

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

1. Gula in re tenui.

---

[urn:nbn:de:hbz:466:1-68709](#)

palam factum fuisse inferorum Judicibus, gustatum incaute pōnum.  
Igitur, quoniam ita Fata ferebant, in perpetuum miseræ reditus ad superas plagas interdicitur. Ingemuit calamitati suæ Proserpina, doloreque percita, scelestum delatorem Phlegethontea confusus undā, momentoque facit avem, & quidem Bubonem; nam caput

In rostrum, & plumas, & grandia lumina vertit.

Ille sibi ablatus, fulvis amicitur ab alis,

Inque caput crescit, longosque reflectitur ungues:

Vixque movet natas per inertia brachia pennas.

Fœdaque fit volucris, venturi nuntia luctus,

Ignavus bubo, dirum mortalibus omen.

Non tamen quievit Ceres, pertinaxque apud Jovem institit, suam ut sibi filiam in libertatem affereret. Vixtus importunitate rogantis cœlicolum rex, sententiam tulit inter Plutonem fratrem, & sororem Cерем, sequestram: concessitque, ut Proserpina dimidia anni parte apud inferos, dimidiā, cum matre apud superos, hoc est, in mundo nostro vivere posset.

## Ethica.

I. (a) Proserpinam, ne ab inferis liceret redire, prohibuit esca incautiū sumpta. Septem grana mali Punici, quantilla res! Profluxit hoc Poëtarum commentum à primæ mortaliū omnium parentis gula, quæ nepotes perdidit unico morsu pomi vetiti. Nimirum non refert, quantum sit illud, quod adversus leges perpetratur; sed quām grave mandatum sit ratione imperantis, quod temerariè infringitur. Malum arrisit Eve, arrisit Proserpinæ; utraque fatali orexi, magnis se calamitatibus involvit. Parva sāpe bucella in Ditis potestate rededit. E. D. Gregorij Dialogis scimus, cacodæmonem lactucæ insidentem à virgine sacrata magno suo malo devoratum fuisse. Quidam è S. Hilarionis discipulis uvam vetitam decerpit, quæ in serpentem versa adjurante Di-vo, loqui cœpit, & indicavit, quæ gulonem pericula mansissent, nisi altiore vi aversa fuissent. Sanch. de regno Dei. Et verò insidias Orci non in perdicibus modò, sed in vili pulicula latere, Esavi voracitas docuit. Nec tantum in cyathis Cretico spumantibus vino sed etiam in hydria infernalem inesse Hydrā memoratus Scriptor recenset. Fortè Lopezum Episcopum sanctimoniam celebrem nocturna, & hoc ipso in-

T 2

term-

(a) Gula.

tempestativa sitis impulerat ad frigidæ haustum postulandum. Ea dum adseritur, suspicari secum cœpit vir religiosus: Veréne sitis ea, an magis phantasie vehementia, & illusio dæmonis esset. Igitur victo bibendi appetitu aqualem illibatum ad caput lectice adstituit. Et ecce! quod constaret, cuius insidijs situm concepisset, diabolum audivit, nocte, quam longa fuit, tota gementem & suspiria intra urceum, ducentem. Crucele ac barbarum est, quod de Mahomete Ottomano Turcarum tyranno scribitur, cum desideratum in arbore sibi chara pomum, in Epheborum, quos in horto fuisse constabat, aperto corpore scrutari jussisse. Major immanitas hostis Stygij, unicum paradisi pomum, in sera etiam hodie Protoplastorum posteritate scrutantis. Et mirum est, quam ex prima gulæ labe, omnes nitamur in vetitum. Cæsarius de milite memorat, ipsum sibi ipsi pœnam commissorum criminum statuisse, ut pomum amarissimorum fructuum feracem pro ædibus stantem, ne attingeret, accessit ad privatam legem, etiam Sacerdotis, quem conscientiæ arbitrum adhibuerat prohibitio, ipso sic volente. Et ecce! tanto affectu in rem prohibitam, cœpit ferri, inò rapi, ut arborem consenderet, manum extenderet, pomo applicaret; nihil præter morsum deesset. Duravit ea lucta totam diem, donec appetente nocte, vix demum victor ab arbore se avulsit. Tantæ molis est restringere gulam, & è Plutonis pomario nihil decerpere; quod quia Proserpina vitare non potuit, aut potius non voluit, infelix umbrarum Domini præda hascit. Et si hoc ob paucula grana intemperanter carpta; quid de illis dicas, quos illa apud Ovid. lib. 15. Metam. Pythagoræ interrogatio ferit:

----- placare voracis,

Et malè morati poteris jejunia ventris?

II. (b) Proserpinam furtivè pomum carpentem oculus nequam ex occulto adverit. Hic locum habet illud Abimelechi regis Gen. 20. comperientis Saram, quam Abrahami sororem credebat, esse matrimonio junctam; quare donatam dimisit cum monito: *quocunque perrexeris, memento te deprehensam.* Deprehensa Proserpina documento est sexui suo, furtivam seu gulam, seu libidinem aliquantis per celari posse, penitus tamen abscondi, occultarique non posse, quin subito erumpant, magnisque post se calamitates trahant. Frequentiores in secreto seu pitificationes, seu catillationes in rubente non raro vultu se produnt; anteambulo puer, pedisequa ancillula odorantur vestigia, *furtivas ad aquas*, ut Salomon loquitur Prov. 9. ducentia. Fallit se ipsam nocens securitas;

(b) *Incauta securitas.*

